



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎՃՌԱԲԵԿ ԴԱՏԱՐԱՆԻ ՆԱԽԱԳԱՀ**

Ո Ր Ո Շ ՈՒ Մ

ԵՆԹԱԿԱՅՈՒԹՅԱՆ ՎԵՐԱԲԵՐՅԱԼ ՎԵՃԸ ԼՈՒԾԵԼՈՒ ՄԱՍԻՆ

6 սեպտեմբերի 2023 թվական

ք. Երևան

ուսումնասիրելով ըստ հայցի՝ Գայանե Քանանյանի ընդդեմ ՀՀ ֆինանսների նախարարությանը կից հաշվապահական հաշվառման և աուդիտորական գործունեության հանրային վերահսկողության խորհրդի (այսուհետ՝ նաև Հանրային վերահսկողության խորհուրդ)՝ «Հայաստանի աուդիտորների և փորձագետ հաշվապահների պալատ» հասարակական կազմակերպության խորհրդի՝ ««Հայաստանի աուդիտորների և փորձագետ հաշվապահների պալատ» հասարակական կազմակերպության մի շարք անդամների անդամակցությունը դադարեցնելու մասին» 2023 թվականի հունվարի 20-ի թիվ 1-Ա որոշման դեմ հայցվորի ներկայացված բողոքը բավարարելու մասին բարենպաստ վարչական ակտ ընդունելուն պարտավորեցնելու պահանջի մասին, թիվ ՎԴ/3225/05/23 գործի ենթակայությունը որոշելու նպատակով այն Վճռաբեկ դատարանի նախագահին ուղարկելու վերաբերյալ Երևան քաղաքի առաջին ատյանի ընդհանուր իրավասության քաղաքացիական դատարանի՝ 2023 թվականի օգոստոսի 24-ի որոշումը,

Պ Ա Ր Զ Ե Ց Ի

Գործի դատավարական նախապատմությունը.

1. Գայանե Քանանյանը 2023 թվականի ապրիլի 25-ին հայցադիմում է ներկայացրել ՀՀ վարչական դատարան ընդդեմ Հանրային վերահսկողության խորհրդի՝ պահանջելով պարտավորեցնել պատասխանողին կայացնել հայցվորի վերաբերյալ բարենպաստ վարչական ակտ, այն է՝ բավարարել հայցվորի «Հայաստանի աուդիտորների և փորձագետ հաշվապահների պալատ» հասարակական կազմակերպության խորհրդի՝ ««Հայաստանի աուդիտորների և փորձագետ հաշվապահների պալատ» հասարակական կազմակերպության մի շարք անդամների անդամակցությունը դադարեցնելու մասին» 2023 թվականի հունվարի 20-ի թիվ 1-Ա որոշման դեմ ներկայացված բողոքի պահանջը:

2. ՀՀ վարչական դատարանի՝ 2023 թվականի մայիսի 4-ի որոշմամբ հայցադիմումն ընդունվել է վարույթ:

3. 2023 թվականի հուլիսի 19-ին սույն վարչական գործը վերամակագրվել է ՀՀ վարչական դատարանի դատավոր Ադասի Դարբինյանին:

4. ՀՀ վարչական դատարանի՝ 2023 թվականի հուլիսի 28-ի որոշմամբ վարչական գործն ընդունվել է վարույթ:

5. ՀՀ վարչական դատարանի՝ 2023 թվականի հուլիսի 28-ի որոշմամբ վարչական գործը վերահասցեագրվել է Երևան քաղաքի առաջին ատյանի ընդհանուր իրավասության քաղաքացիական դատարանին:

6. Երևան քաղաքի առաջին ատյանի ընդհանուր իրավասության քաղաքացիական դատարանի՝ 2023 թվականի օգոստոսի 24-ի որոշմամբ, գործի ենթակայությունը որոշելու նպատակով, այն ուղարկվել է ՀՀ Վճռաբեկ դատարանի նախագահին:

7. Գործը ՀՀ Վճռաբեկ դատարանում ստացվել է 2023 թվականի օգոստոսի 31-ին:

Ենթակայության վերաբերյալ վեճի լուծման համար էական նշանակություն ունեցող փաստական հանգամանքները.

8. Հղում կատարելով «Հայաստանի Հանրապետության դատական օրենսգիրք» ՀՀ սահմանադրական օրենքի 20-րդ հոդվածին, 24-րդ հոդվածի 1-ին մասին, ՀՀ քաղաքացիական դատավարության օրենսգրքի 18-րդ հոդվածին, 126-րդ հոդվածի 1-ին մասի 1-ին կետին, ՀՀ վարչական դատավարության օրենսգրքի 10-րդ հոդվածի 1-ին մասի 1-ին կետին, 81-րդ հոդվածին, «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենքի 4-րդ հոդվածի 1-ին և 2-րդ մասերին, 5-րդ հոդվածի 1-ին և 2-րդ մասերին, ՀՀ Վճռաբեկ դատարանի՝ թիվ ՎԴ/0830/05/14 գործով 2016 թվականի ապրիլի 22-ի որոշմամբ արտահայտած իրավական դիրքորոշումներին՝ ՀՀ վարչական դատարանը 2023 թվականի հուլիսի 28-ի որոշմամբ վարչական գործը վերահասցեագրել է Երևան քաղաքի առաջին ատյանի ընդհանուր իրավասության քաղաքացիական դատարանին՝ հետևյալ պատճառաբանությամբ. «(...) Հաշվապահական հաշվառման և աուդիտորական գործունեության հանրային վերահսկողության խորհուրդն սրեղծված է որպես Հայաստանի Հանրապետության ֆինանսների նախարարությանը կից և գործում է հասարակական հիմունքներով: Վերոգրյալ իրավակարգավորումների և Հայաստանի Հանրապետության վճռաբեկ դատարանի վերոնշյալ որոշմամբ արտահայտած իրավական դիրքորոշումների լույսի ներքո՝ հաշվի առնելով այն փաստը, որ հայցվորի պահանջը վերաբերում է Հաշվապահական հաշվառման և աուդիտորական գործունեության հանրային վերահսկողության խորհրդին բարենպաստ վարչական ակտ ընդունել պարտավորեցնելուն, այն է՝ «Հայաստանի աուդիտորների և փորձագետ հաշվապահների պալատ» հասարակական կազմակերպության խորհրդի՝ ««Հայաստանի աուդիտորների և փորձագետ հաշվապահների պալատ» հասարակական կազմակերպության մի շարք անդամների անդամակցությունը դադարեցնելու մասին» 20.01.2023 թվականի թիվ 1-Ա որոշման դեմ հայցվորի ներկայացրած բողոքը բավարարելու մասին բարենպաստ վարչական ակտ ընդունել պարտավորեցնելուն, մինչդեռ, Հաշվապահական հաշվառման և աուդիտորական գործունեության հանրային վերահսկողության խորհուրդը, հանդիսանալով Հայաստանի Հանրապետության ֆինանսների նախարարությանը կից սրեղծված և հասարակական հիմունքներով գործող սուբյեկտ, **չի հանդիսանում հանրային իշխանական լիազորություններով օժտված սուբյեկտ, իսկ բարենպաստ**

վարչական ակտի ընդունմամբ հայցվորը նպատակ է հետապնդում վերականգնել 20.01.2023 թվականի թիվ 1-Ա որոշմամբ դադարեցված ««Հայաստանի աուդիտորների և փորձագետ հաշվապահների պալատ» հասարակական կազմակերպությանն անդամակցությունը՝ Գարարանը փաստում է, որ այդ պայմաններում վեճը հանդիսանում է մասնավոր հարաբերությունների շրջանակում ծագած, ուստի հայցադիմումով ներկայացված պահանջն ընդդարյա չէ Հայաստանի Հանրապետության վարչական դատարանի քննությանը, քանի որ իրավահարաբերությունը չի համապատասխանում հանրային իրավահարաբերությունների հատկանիշներին՝ սուբյեկտի, բովանդակության և օբյեկտի առումներով, որպիսի հանգամանքը հիմք է հանդիսանում վարչական գործն առաջին աստիճանի ընդհանուր իրավասության դատարանին վերահասցեագրելու համար»¹:

9. Հղում կատարելով «Հայաստանի Հանրապետության դատական օրենսգիրք» ՀՀ սահմանադրական օրենքի 2-րդ հոդվածի 3-րդ մասի 1-ին կետին, 20-րդ հոդվածի 1-ին մասին, 24-րդ հոդվածի 1-ին մասին, ՀՀ քաղաքացիական դատավարության օրենսգրքի 18-րդ հոդվածի 1-ին և 2-րդ մասերին, ՀՀ վարչական դատավարության օրենսգրքի 3-րդ հոդվածի 1-ին մասին, 10-րդ հոդվածի 1-ին մասին, «Հաշվապահական հաշվառման մասին» ՀՀ օրենքի 3-րդ հոդվածի 1-ին մասի 17-րդ և 20-րդ կետերին, 4-րդ հոդվածի 1-ին մասին, 17-րդ հոդվածի 1-ին և 2-րդ մասերին, «Աուդիտորական գործունեության մասին» ՀՀ օրենքի 3-րդ հոդվածի 1-ին և 9-րդ մասերին, 4-րդ հոդվածին, 25-րդ հոդվածի 1-ին և 2-րդ մասերին, «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենքի 3-րդ հոդվածի 1-ին մասին, 4-րդ հոդվածի 1-ին և 2-րդ մասերին, 5-րդ հոդվածի 1-ին և 2-րդ մասերին, 6-րդ հոդվածի 2-րդ մասի 2-րդ և 3-րդ կետերին, 7-րդ հոդվածի 1-ին մասին, 15-րդ հոդվածին, 17-րդ հոդվածի 1-ին մասի 1-ին կետին, 2-րդ կետի «ե» ենթակետին, 20-րդ հոդվածի 10-րդ և 11-րդ մասերին, 34-րդ հոդվածի 3-րդ մասին, ՀՀ Սահմանադրական դատարանի՝ 2009 թվականի փետրվարի 3-ին թիվ ՍԴՈ-787 որոշմամբ արտահայտած դիրքորոշումներին, ինչպես նաև ՀՀ Վճռաբեկ դատարանի կողմից նախկինում կայացրած որոշումներում արտահայտված իրավական

¹ Տե՛ս դատական գործը, թերթեր 54-57:

դիրքորոշումներին՝ Երևան քաղաքի առաջին ատյանի ընդհանուր իրավասության քաղաքացիական դատարանը 2023 թվականի օգոստոսի 24-ի որոշմամբ գտել է, որ «(...) «Հաշվապահական հաշվառման մասին» ՀՀ օրենքի, «Աուդիտորական գործունեության մասին» ՀՀ օրենքի, «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենքի՝ նույն որոշմամբ վկայակոչած նորմերի համաձայն՝ մասնագիտացած կառույցը սրեղծված լինելով օրենքի հիման վրա իրականացնում է հանրային նշանակության կարևոր գործառույթներ, այդ թվում՝ տալիս է փորձագետ հաշվապահի և աուդիտորի որակավորումը, ընդունում է որոշումներ որակավորման չեղարկման վերաբերյալ, հաստատում է աուդիտորների և փորձագետ հաշվապահների որակավորման քննությունների ծրագիրը, որակավորման քննությունների անցկացման կարգը:

Հանրային վերահսկողության խորհուրդը, սրեղծված լինելով օրենքի հիման վրա իրականացնում է հանրային նշանակության կարևոր գործառույթներ, այդ թվում՝ ընդունում է որոշումներ որակավորման չեղարկման վերաբերյալ, համաձայնություն է տալիս մասնագիտական կառույցի կողմից հաստատված աուդիտորների և փորձագետ հաշվապահների որակավորման քննությունների ծրագրին, որակավորման քննությունների անցկացման կարգին, բողոքի հիման վրա վերանայում է մասնագիտացած կառույցի որակավորման չեղարկման վերաբերյալ որոշումները:

Փորձագետ հաշվապահի և աուդիտորի որակավորում տալու առնչությամբ ծագող հարաբերությունները կարգավորող իրավական նորմերը պարկանում են հանրային իրավունքին, քանի որ դրանք փորձագետ հաշվապահի և աուդիտորի որակավորում տալը լիազորում են բացառապես մասնագիտացած կառույցին, իսկ մասնագիտացած կառույցի համապարասիան որոշումների վերանայումը՝ Հանրային վերահսկողության խորհրդին: Այսինքն, մասնագիտացած կառույցը և Հանրային վերահսկողության խորհուրդը քննարկվող հարաբերություններում հանդես է գալիս որպես հանրային իշխանության կրող:

Մասնագիտացած կառույց կամ Հանրային վերահսկողության խորհուրդ – փորձագետ հաշվապահի կամ աուդիտորի հարաբերությունները բնորոշվում են նաև ցանկացած մասնավոր, այդ թվում՝ աշխատանքային հարաբերությունների ծագման հիմք հանդիսացող գործարքի (պայմանագրի) բացակայությամբ: Մասնագիտացած

կառույցի կողմից որակավորում փախու կամ որակավորման չեղարկման որոշումը, Հանրային վերահսկողության խորհրդի կողմից մասնագիտացած կառույցի որոշումների վերանայումը կայացվում է Մասնագիտացած կառույցի և Հանրային վերահսկողության խորհրդի հանրային իշխանական լիազորությունների գործադրման արդյունքում և միակողմանի ազդեցություն է ունենում հասցեատեր հանդիսացող փորձագետ հաշվապահի կամ աուդիտորի համար: Հանրային իրավահարաբերություններում որպես հանրային իշխանության կրող կարող են հանդես գալ ոչ միայն պետական և տեղական ինքնակառավարման մարմինները, այլև պետության կողմից օրենքով պարզաբանված հանրային գործառույթ իրականացնող մասնավոր անձինք: Ուստի, փորձագետ հաշվապահի կամ աուդիտորի որակավորում փախու կամ որակավորման չեղարկման որոշումը վիճարկելու հայցերի նկատմամբ ևս կիրառելի են ՀՀ վարչական դատավարության օրենսգրքով նախատեսված (վիճարկման հայցերին վերաբերող) իրավական նորմերը»²:

Վճռաբեկ դատարանի նախագահի հիմնավորումները և եզրահանգումը.

10. Սույն գործով Վճռաբեկ դատարանի նախագահի առջև բարձրացված իրավական հարցը հետևյալն է. *հիմնավոր՞ է արդյոք Երևան քաղաքի առաջին արյանի ընդհանուր իրավասության քաղաքացիական դատարանի հետևությունն այն մասին, որ թիվ ՎԴ/3225/05/23 գործն ըստ հայցի՝ Գայանե Քանանյանի ընդդեմ Հանրային վերահսկողության խորհրդի՝ «Հայաստանի աուդիտորների և փորձագետ հաշվապահների պալատ» հասարակական կազմակերպության խորհրդի՝ ««Հայաստանի աուդիտորների և փորձագետ հաշվապահների պալատ» հասարակական կազմակերպության մի շարք անդամների անդամակցությունը դադարեցնելու մասին» 2023 թվականի հունվարի 20-ի թիվ 1-Ա որոշման դեմ հայցվորի ներկայացված բողոքը բավարարելու մասին բարենպաստ վարչական ակտ ընդունելուն պարտավորեցնելու պահանջի մասին, ենթակա չէ Երևան քաղաքի առաջին արյանի ընդհանուր իրավասության քաղաքացիական դատարանին:*

² Տե՛ս դատական գործը, թերթեր 68-73:

11. «Հայաստանի Հանրապետության դատական օրենսգիրք» ՀՀ սահմանադրական օրենքի 2-րդ հոդվածի 3-րդ մասի 1-ին կետի համաձայն՝ «Մասնագիտացված դատարաններն են՝ վարչական դատարանը, (...)»:

Նույն օրենքի 20-րդ հոդվածի 1-ին մասի համաձայն՝ «Առաջին ասրյանի ընդհանուր իրավասության դատարանը քննում է դատական կարգով քննության ենթակա բոլոր գործերը, բացառությամբ մասնագիտացված դատարանների ենթակայությանը վերապահված գործերի»:

Նշված օրենքի 24-րդ հոդվածի 1-ին մասի համաձայն՝ «Վարչական դատարանին են ենթակա Հայաստանի Հանրապետության վարչական դատավարության օրենսգրքով նախատեսված գործերը»:

ՀՀ քաղաքացիական դատավարության օրենսգրքի 18-րդ հոդվածի համաձայն՝ «1. Քաղաքացիական գործերը ենթակա են քննության առաջին ասրյանի դատարանում, բացառությամբ «Մասնկության մասին» Հայաստանի Հանրապետության օրենքով նախատեսված դեպքերի և հակակոռուպցիոն դատարանին ենթակա գործերի:

2. Քաղաքացիական են համարվում իրավունքի մասին վեճի հետ կապված բոլոր գործերը, բացառությամբ Հայաստանի Հանրապետության վարչական դատարանի (...) կամ Սահմանադրական դատարանի իրավասությանը վերապահված գործերի (...)»:

ՀՀ վարչական դատավարության օրենսգրքի 10-րդ հոդվածի 1-ին մասի համաձայն՝ «Վարչական դատարանին ընդդարյա են հանրային իրավահարաբերություններից ծագող բոլոր գործերը, (...)»:

Նույն օրենսգրքի 81-րդ հոդվածի 1-ին մասի համաձայն՝ «Վարչական դատարանը, գործի քննության ցանկացած փուլում պարզելով, որ տվյալ հայցադիմումի պահանջն ընդդարյա չէ իրեն, այն պարճատարանված որոշմամբ վերահասցեագրում է ըստ ընդդարության»:

12. Հանրային և մասնավոր իրավահարաբերությունների տարանջատման հարցին ՀՀ Վճռաբեկ դատարանն անդրադարձել է «Վեստ» ՍՊԸ-ն ընդդեմ ՀՀ Էկոնոմիկայի նախարարության մրավոր սեփականության գործակալության վարչական գործով կայացված թիվ ՎԴ/0830/05/14 որոշմամբ՝ արձանագրելով հետևյալը. «(...) [Հ]անրային իրավահարաբերությունը մասնավոր հարաբերությունից տարանջատվում է թե՛ սուբյեկտային կազմով, թե՛ բովանդակությամբ և թե՛ օբյեկտով:

Այդ փաստերն առանձին-առանձին անհրաժեշտ են, իսկ իրենց համակցության մեջ քավարար են, որպեսզի փաստվի իրավահարաբերության հանրային լինելու հանգամանքը: Իրավահարաբերությունը հանրային հարկանիշով բնութագրելու համար նախևառաջ անհրաժեշտ է, որ հարաբերության կողմ հանդես գա հանրային իշխանական լիազորություններով օժտված սուբյեկտը (վարչական մարմիններ, դրանց պաշտոնատար անձիք, այդ թվում՝ պետական և համայնքային ծառայողներ): Մինչդեռ հանրային իշխանական լիազորություններով օժտված սուբյեկտի՝ իրավահարաբերության կողմ լինելը դեռևս չի նշանակում, որ իրավահարաբերությունը հանրային բնույթի է, քանի որ հանրային բնույթը՝ որպես իրավահարաբերության բնութագրիչ, ծավալային առումով ներառում է իրավահարաբերության թե՛ սուբյեկտային կազմը, թե՛ օբյեկտը, թե՛ բովանդակությունը և ի հայտ է գալիս միայն վերոնշյալ երեք փաստերի համակցությամբ: (...) [Հ]անրային է այն իրավահարաբերությունը, որում կողմերից մեկի դերում անպայմանորեն հանդես է գալիս հանրային իշխանական լիազորություններով օժտված սուբյեկտը, որն այդ հարաբերության ընթացքում հանրային շահի իրացման կապակցությամբ իրացնում է օրենքով սահմանված իր հանրային իշխանական լիազորությունները (...)»³:

13. ՀՀ Վճռաբեկ դատարանը մեկ այլ՝ Գոռիշխան Իշիկյանն ընդդեմ «ԱՐՄԵՆԻԱ» ՄԻՋԱԶԳԱՅԻՆ ՕԴԱՆԱՎԱԿԱՅԱՆՆԵՐ» ՓԲԸ-ի և ՀՀ Կառավարությանն առընթեր քաղաքացիական ավիացիայի գլխավոր վարչության, երրորդ անձ Հոփիսիմե Իշիկյանի քաղաքացիական գործով կայացված թիվ ԵՄԴ/1029/02/14 որոշմամբ արձանագրել է. «[Հ]անրային է այն իրավահարաբերությունը, որում կողմերից մեկի դերում անպայմանորեն հանդես է գալիս հանրային իշխանական լիազորություններով օժտված սուբյեկտը, որն այդ հարաբերության ընթացքում հանրային շահի իրացման կապակցությամբ իրացնում է օրենքով սահմանված իր հանրային իշխանական լիազորությունները: Իրավահարաբերության հանրային լինելու և դրանից բխող վեճը վարչական դատարանին ընդդարյա լինելու հանգամանքը պարզելու նպատակով պետք է գնահատման առարկա դարձվեն հետևյալ հանգամանքները.

³ Տե՛ս Վճռաբեկ դատարանի՝ «Վեսթ» ՄՊԸ-ն ընդդեմ ՀՀ Էկոնոմիկայի նախարարության մրավոր սեփականության գործակալության թիվ ՎԴ/0830/05/14 վարչական գործով 2016 թվականի ապրիլի 22-ի որոշումը:

1. արդյո՞ք իրավահարաբերության կողմերից մեկը հանրային իշխանական լիազորություններով օժտված սուբյեկտ է, թե՛ ոչ,

2. արդյո՞ք այդ իրավահարաբերության բովանդակությունը կազմում է հանրային իշխանական լիազորությամբ օժտված սուբյեկտի կողմից իր հանրային իշխանական լիազորությունների իրականացման պարպականությունը, թե՛ ոչ,

3. արդյո՞ք այդ իրավահարաբերությունը ծագել է հանրային շահի իրացման կապակցությամբ (իրավահարաբերությունն ուղղված է եղել հանրային շահի՝ սոցիալ-իրավական պրակտիկայում իրացմանը և առարկայացմանը), թե՛ ոչ:

Միայն վերոգրյալ պայմանների միաժամանակյա առկայության դեպքում է հնարավոր փաստել իրավահարաբերության հանրային լինելու հանգամանքը, ինչպես նաև այդ հարաբերությունից բխող վեճերի ընդդարձության հարցը՝ հաշվի առնելով նաև այն կարևոր հանգամանքը, որ հանրային հարաբերություններից բխող բոլոր վեճերը չեն, որ վերապահված են վարչական դատարանի քննությանը, քանի որ ՀՀ Վարչական դատարարության օրենսգրքի 10-րդ հոդվածի 2-րդ մասի համաձայն՝ վարչական դատարանին ընդդարձա չեն Հայաստանի Հանրապետության սահմանադրական դատարանի (...) ենթակայությունը վերապահված գործերը, ընդհանուր իրավասության դատարանի ենթակայությունը վերապահված քրեական գործերը, ինչպես նաև պատժի կարարման հետ կապված գործերը»⁴:

14. «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենքի 1-ին հոդվածի համաձայն՝ «Սույն օրենքը սահմանում է Հայաստանի Հանրապետությունում հաշվապահական հաշվառման և աուդիտորական գործունեության կարգավորման և հանրային վերահսկողության հետ կապված հարաբերությունները»:

Նույն օրենքի 3-րդ հոդվածի համաձայն՝ «Հայաստանի Հանրապետությունում հաշվապահական հաշվառման և աուդիտորական գործունեության ոլորտում քաղաքականություն իրականացնող մարմինը (այսուհետ՝ քաղաքականություն

4 Տե՛ս Վճռաբեկ դատարանի՝ Գոռիշիան Իշիկյանն ընդդեմ «ԱՐՄԵՆԻԱ» ՄԻԶԱԶԳԱՅԻՆ ՕԴԱՆՎԱԿԱՅԱՆՆԵՐՔ» ՓԲԸ-ի և ՀՀ Կառավարությանն առնչվող քաղաքացիական ավիացիայի գլխավոր վարչության, երրորդ անձ Հոնիսիմե Իշիկյանի թիվ ԵՄԴ/1029/02/14 քաղաքացիական գործով 2016 թվականի ապրիլի 22-ի որոշումը:

իրականացնող մարմին) ֆինանսների նախարարությունն է՝ համաձայն «Կառավարության կառուցվածքի և գործունեության մասին» օրենքի»:

Նշված օրենքի 4-րդ հոդվածի համաձայն՝ «1. «Հաշվապահական հաշվառման մասին» օրենքի գործողության ոլորտի կազմակերպությունների հաշվապահական հաշվառման կարգավորման նկատմամբ հանրային վերահսկողության գործառույթներ իրականացնող մարմինը Հաշվապահական հաշվառման և աուդիտորական գործունեության հանրային վերահսկողության խորհուրդն է (այսուհետ՝ Հանրային վերահսկողության խորհուրդ):

2. «Աուդիտորական գործունեության մասին» օրենքի համաձայն՝ Հայաստանի Հանրապետության տարածքում իրականացվող աուդիտորական գործունեության կարգավորման նկատմամբ հանրային վերահսկողության գործառույթներ իրականացնող մարմինը Հանրային վերահսկողության խորհուրդն է»:

«Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենքի 5-րդ հոդվածի համաձայն՝ «1. Հանրային վերահսկողության խորհուրդը հաշվապահական հաշվառման և աուդիտորական գործունեության կարգավորման նկատմամբ հանրային վերահսկողության գործառույթներ իրականացնելու նպատակով սույն օրենքի համաձայն՝ ֆինանսների նախարարությանը կից արեղծված մարմին է:

2. Հանրային վերահսկողության խորհուրդը գործում է հասարակական հիմունքներով»:

Սույն օրենքի 7-րդ հոդվածի 1-ին մասի համաձայն՝ «Հանրային վերահսկողության խորհուրդը կազմված է յոթ անդամից՝ նախագահ, նախագահի տեղակալ և հինգ անդամ: Խորհրդի անդամները նշանակվում են հինգ տարի ժամկետով: Խորհրդի անդամներին, այդ թվում՝ նախագահին և նախագահի տեղակալին նշանակում է ֆինանսների նախարարը՝ հետևյալ կառույցների ներկայացմամբ.

- 1) ֆինանսների նախարարություն՝ երեք անդամ.
- 2) Կենտրոնական բանկ՝ երկու անդամ.
- 3) Էկոնոմիկայի նախարարություն՝ մեկ անդամ.
- 4) պետական եկամուտների կոմիտե՝ մեկ անդամ: (...):»:

«Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենքի 15-րդ հոդվածի համաձայն՝ «1. Մասնագիտացված կառույցը քաղաքականություն իրականացնող մարմնի հավասարմագրած աուդիտորների, փորձագետ հաշվապահների, ինչպես նաև աուդիտորական կազմակերպությունների (այսուհետ՝ մասնագիտացված կառույցի անդամ) անդամության հիման վրա գործող հասարակական կազմակերպություն է: Մասնագիտացված կառույցն իրավաբանական անձի կարգավիճակ ձեռք է բերում օրենքով սահմանված կարգով գրանցվելու պահից:

2. Մասնագիտացված կառույցը գործում է անկախության, օրինապահության, ինքնակառավարման և իր անդամների իրավահավասարության սկզբունքների հիման վրա:

3. Աուդիտորը, փորձագետ հաշվապահը և աուդիտորական կազմակերպությունը կարող են անդամակցել միայն մեկ մասնագիտացված կառույցի»:

Հիշյալ օրենքի 17-րդ հոդվածի 1-ին մասի 1-ին կետի և 2-րդ մասի «ե» ենթակետի համաձայն՝ «Մասնագիտացված կառույցն իրականացնում է հետևյալ գործառնությունները.

1) հասարակում է իր անդամների նկատմամբ կարգապահական պարասիսանսարվության միջոցների կիրառման կարգը.

2) աուդիտորների և փորձագետ հաշվապահների որակավորման գործընթացի հետ կապված՝

ե. տալիս է իր կողմից որակավորված աուդիտորի կամ փորձագետ հաշվապահի որակավորում և ընդունում է որոշումներ որակավորման չեղարկման վերաբերյալ»:

«Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենքի 34-րդ հոդվածի 3-րդ մասի համաձայն՝ «Անդամակցության դադարեցման վերաբերյալ մասնագիտացված կառույցի որոշումը կարող է բողոքարկվել Հանրային վերահսկողության խորհուրդ՝ դադարեցման վերաբերյալ մասնագիտացված կառույցի համապարասիսան որոշման ընդունման օրվան հաջորդող 20 աշխատանքային օրվա ընթացքում»:

«Աուդիտորական գործունեության մասին» ՀՀ օրենքի 3-րդ հոդվածի 1-ին մասի համաձայն՝ «Սույն օրենքում օգտագործվում են հետևյալ հիմնական հասկացությունները.

1) **աուդիորոն**՝ «Հաշվապահական հաշվառման և աուդիորոնական գործունեության կարգավորման և հանրային վերահսկողության մասին» օրենքով սահմանված՝ մասնագիտացված կառույցի անդամ հանդիսացող ֆիզիկական անձ, որն ունի աուդիորոնի որակավորում. (...)

9) **մասնագիտացված կառույց**՝ ըստ «Հաշվապահական հաշվառման և աուդիորոնական գործունեության կարգավորման և հանրային վերահսկողության մասին» օրենքի սահմանման»:

Նույն օրենքի 4-րդ հոդվածի համաձայն՝ «Հայաստանի Հանրապետության փարածքում իրականացվող աուդիորոնական գործունեության ոլորտում քաղաքականություն իրականացնող մարմինը ֆինանսների նախարարությունն է՝ համաձայն «Կառավարության կառուցվածքի և գործունեության մասին» օրենքի»:

Նշված օրենքի 25-րդ հոդվածի 1-ին մասի համաձայն՝ «Աուդիորոնի որակավորումը (այսուհետ՝ նաև որակավորում) սույն օրենքի 27-րդ հոդվածով սահմանված պահանջները բավարարող՝ աուդիորոնի որակավորում ստանալու համար մասնագիտացված կառույցին դիմած ֆիզիկական անձի՝ (այսուհետ՝ դիմող) սույն հոդվածի 2-րդ մասի պահանջները բավարարելու հավաստումն է»:

Նույն հոդվածի 2-րդ մասի համաձայն՝ «Որակավորումը փայխու է մասնագիտացված կառույցը: (...)»

«Հաշվապահական հաշվառման մասին» ՀՀ օրենքի 3-րդ հոդվածի 1-ին մասի համաձայն՝ «Սույն օրենքում օգտագործվում են հետևյալ հիմնական հասկացությունները. (...)

17) **փորձագետ հաշվապահ**՝ մասնագիտացված կառույցի անդամ հանդիսացող ֆիզիկական անձ, որն ունի փորձագետ հաշվապահի որակավորում. (...)

20) **մասնագիտացված կառույց**՝ ըստ «Հաշվապահական հաշվառման և աուդիորոնական գործունեության կարգավորման և հանրային վերահսկողության մասին» օրենքի սահմանման»:

Նույն օրենքի 4-րդ հոդվածի համաձայն՝ «Հայաստանի Հանրապետությունում հաշվապահական հաշվառման ոլորտում քաղաքականություն իրականացնող մարմինը (այսուհետ՝ քաղաքականություն իրականացնող մարմին) ֆինանսների

նախարարությունն է՝ համաձայն «Կառավարության կառուցվածքի և գործունեության մասին» օրենքի»:

Նշված օրենքի 17-րդ հոդվածի 1-ին մասի համաձայն՝ «Փորձագետ հաշվապահի որակավորումը (այսուհետ՝ նաև որակավորում) սույն օրենքի 19-րդ հոդվածով սահմանված պահանջները բավարարող՝ փորձագետ հաշվապահի որակավորում սրանսպու համար մասնագիտացված կառույցին դիմած ֆիզիկական անձի (այսուհետ՝ դիմող)՝ սույն հոդվածի 2-րդ մասի պահանջների բավարարման հավաստումն է»:

Նույն հոդվածի 2-րդ մասի համաձայն՝ «Որակավորումը տալիս է մասնագիտացված կառույցը: (...)»:

15. Վերը նշված իրավական նորմերի համակարգային վերլուծությունից բխում է, որ Հայաստանի Հանրապետությունում հաշվապահական հաշվառման և աուդիտորական գործունեության ոլորտում քաղաքականություն իրականացնող մարմինը ՀՀ ֆինանսների նախարարությունն է, որին կից գործող Հանրային վերահսկողության խորհուրդը հանրային վերահսկողության գործառույթներ է իրականացնում Հայաստանի Հանրապետության տարածքում իրականացվող աուդիտորական գործունեության և «Հաշվապահական հաշվառման մասին» ՀՀ օրենքի գործողության ոլորտի կազմակերպությունների հաշվապահական հաշվառման կարգավորման նկատմամբ: Այսպես՝ Հանրային վերահսկողության խորհուրդը օրենքով նախատեսված կառույցների ներկայացմամբ կազմված հասարակական հիմունքներով գործող մարմին է, որն իրականացնում է հաշվապահական հաշվառման և աուդիտորական գործունեության բնագավառների նկատմամբ հանրային վերահսկողության գործառույթներ:

Հանրային վերահսկողության խորհուրդը, ի թիվս այլնի, իրականացնում է նաև վերահսկողություն՝ մասնագիտացված կառույցի գործառույթների նկատմամբ, որը աուդիտորների և փորձագետ հաշվապահների որակավորման գործընթացի հետ կապված տալիս է իր կողմից որակավորված աուդիտորի կամ փորձագետ հաշվապահի որակավորում և ընդունում է որոշումներ՝ որակավորման չեղարկման վերաբերյալ: Ընդ որում, մասնագիտացված կառույցի համապատասխան որոշումները ենթակա են վերանայման միայն Հանրային վերահսկողության խորհրդի կողմից:

Վերոգրյալը վկայում է այն մասին, որ Հանրային վերահսկողության խորհուրդը հանրային իշխանական լիազորություններով օժտված մարմին է, որը վերանայելով մասնագիտացված խորհրդի որոշումները, իրականացնում է իր հանրային իշխանական լիազորությունները, որոնք ուղղված են հանրային շահի իրացմանը, այն է՝ Հայաստանի Հանրապետությունում հաշվապահական հաշվառման և աուդիտորական գործունեության կարգավորման նկատմամբ հանրային վերահսկողության իրականացմանը:

16. Սույն վարչական գործի նյութերի ուսումնասիրությունից հետևում է, որ.

- Գայանե Քանանյանը 2023 թվականի ապրիլի 25-ին հայցադիմում է ներկայացրել ՀՀ վարչական դատարան ընդդեմ Հանրային վերահսկողության խորհրդի՝ «Հայաստանի աուդիտորների և փորձագետ հաշվապահների պալատ» հասարակական կազմակերպության խորհրդի՝ ««Հայաստանի աուդիտորների և փորձագետ հաշվապահների պալատ» հասարակական կազմակերպության մի շարք անդամների անդամակցությունը դադարեցնելու մասին» 2023 թվականի հունվարի 20-ի թիվ 1-Ա որոշման դեմ հայցվորի ներկայացված բողոքը բավարարելու մասին բարենպաստ վարչական ակտ ընդունելուն պարտավորեցնելու պահանջի մասին⁵,

- ՀՀ վարչական դատարանը 2023 թվականի հուլիսի 28-ի որոշմամբ վարչական գործը վերահասցեագրել է Երևան քաղաքի առաջին ատյանի ընդհանուր իրավասության քաղաքացիական դատարանին՝ այն պատճառաբանությամբ, որ Հանրային վերահսկողության խորհուրդը, հանդիսանալով ՀՀ ֆինանսների նախարարությանը կից ստեղծված և հասարակական հիմունքներով գործող սուբյեկտ, չի հանդիսանում հանրային իշխանական լիազորություններով օժտված մարմին, իսկ բարենպաստ վարչական ակտի ընդունմամբ հայցվորը նպատակ է հետապնդում վերականգնել 2023 թվականի հունվարի 20-ի թիվ 1-Ա որոշմամբ դադարեցված «Հայաստանի աուդիտորների և փորձագետ հաշվապահների պալատ» հասարակական կազմակերպությանն անդամակցությունը, ուստի հայցվորի պահանջն ընդդատյա չէ ՀՀ վարչական դատարանին⁶,

- Երևան քաղաքի առաջին ատյանի ընդհանուր իրավասության քաղաքացիական դատարանը, համապատասխան նորմերի վերլուծության արդյունքում, եզրահանգել է,

⁵ Տե՛ս սույն որոշման 1-ին կետը:

⁶ Տե՛ս սույն որոշման 8-րդ կետը:

որ սույն հայցի հիմքում ընկած իրավահարաբերությունները քաղաքացիաիրավական չեն, և սույն դեպքում մասնագիտացած կառույցը և Հանրային վերահսկողության խորհուրդը քննարկվող հարաբերություններում հանդես են գալիս որպես հանրային իշխանության կրող⁷:

17. Նախորդ կետում մեջբերված փաստական հանգամանքները գնահատելով սույն որոշման 11-15-րդ կետերում վկայակոչված իրավադրույթների և արտահայտված իրավական դիրքորոշումների լույսի ներքո՝ հարկ է նկատել, որ տվյալ դեպքում Գայանե Քանանյանի և Հանրային վերահսկողության խորհրդի միջև ծագած վեճը վերաբերում է «Հայաստանի աուդիտորների և փորձագետ հաշվապահների պալատ» հասարակական կազմակերպության խորհրդի ««Հայաստանի աուդիտորների և փորձագետ հաշվապահների պալատ» հասարակական կազմակերպության մի շարք անդամների անդամակցությունը դադարեցնելու մասին» 2023 թվականի հունվարի 20-ի թիվ 1-Ա որոշման դեմ հայցվորի ներկայացված բողոքը բավարարելու մասին բարենպաստ վարչական ակտ ընդունելուն պարտավորեցնելուն, որպիսի իրավական վեճը բխում է ոչ թե մասնավոր, այլ հանրային իրավահարաբերություններից:

18. Վերը շարադրվածը հիմք է տալիս փաստելու, որ Երևան քաղաքի առաջին ատյանի ընդհանուր իրավասության քաղաքացիական դատարանի հետևությունն այն մասին, որ թիվ ՎԴ/3225/05/23 գործն ըստ հայցի՝ Գայանե Քանանյանի ընդդեմ Հանրային վերահսկողության խորհրդի՝ «Հայաստանի աուդիտորների և փորձագետ հաշվապահների պալատ» հասարակական կազմակերպության խորհրդի՝ ««Հայաստանի աուդիտորների և փորձագետ հաշվապահների պալատ» հասարակական կազմակերպության մի շարք անդամների անդամակցությունը դադարեցնելու մասին» 2023 թվականի հունվարի 20-ի թիվ 1-Ա որոշման դեմ հայցվորի ներկայացված բողոքը բավարարելու մասին բարենպաստ վարչական ակտ ընդունելուն պարտավորեցնելու պահանջի մասին, ենթակա չէ Երևան քաղաքի առաջին ատյանի ընդհանուր իրավասության քաղաքացիական դատարանին, հիմնավոր է:

19. Վերոգրյալի հիման վրա, գտնում են, որ Գայանե Քանանյանի հայցադիմումի հիման վրա հարուցված թիվ ՎԴ/3225/05/23 գործը ենթակա է ՀՀ վարչական դատարանի քննությանը:

⁷ Տե՛ս սույն որոշման 9-րդ կետը:

Հիմք ընդունելով վերոշարադրյալը և ղեկավարվելով ՀՀ քաղաքացիական դատավարության օրենսգրքի 26-րդ հոդվածով՝

Ո Ր Ո Շ Ե Ց Ի

թիվ ՎԴ/3225/05/23 գործն ըստ հայցի՝ Գայանե Քանանյանի ընդդեմ ՀՀ ֆինանսների նախարարությանը կից հաշվապահական հաշվառման և աուդիտորական գործունեության հանրային վերահսկողության խորհրդի՝ «Հայաստանի աուդիտորների և փորձագետ հաշվապահների պալատ» հասարակական կազմակերպության խորհրդի՝ ««Հայաստանի աուդիտորների և փորձագետ հաշվապահների պալատ» հասարակական կազմակերպության մի շարք անդամների անդամակցությունը դադարեցնելու մասին» 2023 թվականի հունվարի 20-ի թիվ 1-Ա որոշման դեմ հայցվորի ներկայացված բողոքը բավարարելու մասին բարենպաստ վարչական ակտ ընդունելուն պարտավորեցնելու պահանջի մասին, ենթակա է ՀՀ վարչական դատարանին:

ԼԻԼԻԹ ԹԱԴԵՎՈՍՅԱՆ